



UNIVERSITÄTS-  
BIBLIOTHEK  
PADERBORN

**HORATII TVRSELLINI || ROMANI || E SOCIETATE IESV ||  
LAVRETANAЕ HISTORIAE || LIBRI QVINQVE. ||**

**Torsellini, Orazio**

**Romae, 1597**

Cap. 10. Epidauria nauis e manibus piratarum eripitur.

---

[urn:nbn:de:hbz:466:1-64112](https://nbn-resolving.de/urn:nbn:de:hbz:466:1-64112)

*Epidauria nauis insigni miraculo è manibus piratarum eripitur.*

*Cap. X.*

Anna. Laue.  
Rier.
**C**aeterum nobilissimum maximeque illustrem Gregorij Pontificatum nobili illustrique claudamus miraculo. Epidauria nauis preciosis onusta mercibus per eadem tempora Constantinopoli redibat Epidaurum. Ragusam vulgus appellat. In medio cursu, tanta subito maris malacia, ac tranquillitas exstitit; vt deficiente vento nauis oneraria se loco mouere non posset. Extemplo plures adfuerunt myoparones piratarum, qui circumfusi destitutam nauim summa vi oppugnare coeperunt. Christiani primum & si pauciores numero, Barbarorum impetum egregie sustinebant. Ad ultimum labore, ac vulneribus defatigati cedebant, nec viribus, nec animis pares. Iam prope res erat, vt victi caperentur à Barbaris, cum subiit eorum animos memoria Lauretanæ Virginis. Eam igitur cuncti inuocantes vouent, si imminentि eximantur periculo, egregium calicem Aedi Lauretanæ donum laturos: atque inibi labes animorum sacra confessione pariter absfersuros. Nec mistæ voto preces in irritum cecidere. Repente spissa exorta caligo intendentibus se tenebris condidit lucem: & piratis prædæ inhiantibus conspectum Epidauriæ nauis eripuit. Agnouere Christiani Deiparæ auxilium: & lætitia ex metu gestientes, Deo Deique matri certatim grates agebant. Contra furere, ac fremere Barbari dolore ereptæ de manibus prædæ, & tamen omnia conari, vt recuperent amissā. Sed frustra. Incubās mari quēdā quasi nox iā prospectum abstulerat: & Barbari haud secus quam in cęcis tenebris errabant. Inter hæc. ecce tibi peropportuna inter nebulam afflans aura onerariam impellit. Ita nauis B. Maria fauente, periculo erepta Epi-

G g 2 daurum